




सानसेयारि "बड'सा" खरीरालाइयाव समाज्यानि जिउजो लोब्बा थानाय रायथाय, खन्थाय, खल', खल'बाथा आरु दावबायादि थावनि, पार्क बाइदिनि सायाव लिबनाय लिबिबिदां बैथाय ठरु। सानसेयारि "बड'सा" खरीरालाइया खेबखानानै फोखावणोन।
बड'सायाव लिबठरुनायनि ठुडा खालाम, "बड'सा" खरी नोथो, जो बैयबो आंगो खालाम।
सानसेयारि बड'सा मावखुलि
माइबं नोगोर, जोहोलाव देमालु लामा
कक्राझार, बिडिसि-783370
Website: www.bodosanewspaper.com

BODOSA★A Bodo News Daily★ Sunday ★ 10 August, 2025 Kokrajhar, BTC, Assam★Vol.-35, Issue No.137★R.N.I.Regd. No.40994/91, Assam Govt.Regd.No. IPRD. 40/2006/3, Rs.8/-

SWAMI VIVEKANAND UNIVERSITY

A State Private University established under Section 2(f) of the UGC Act, 1956, vide Notification No. LGL.25/2025/11 by the Government of Assam



WALK-IN FOR APTITUDE
TEST & ADMISSION AT THE
CAMPUS BETWEEN 9:30 AM
AND 5:00 PM

ADMISSIONS OPEN FOR 2025-26



COURSES WE OFFER

AVIATION, HOTEL & HOSPITALITY MANAGEMENT

- DIPLOMA IN AVIATION & HOSPITALITY MANAGEMENT
- ADVANCE DIPLOMA IN AVIATION & HOSPITALITY
- BACHELOR IN HOTEL MANAGEMENT
- B.SC. HOSPITALITY & HOTEL ADMINISTRATION
- BBA IN AVIATION MANAGEMENT
- MBA (HOSPITALITY MANAGEMENT)

HUMANITIES

- B.A. , M.A. (ENGLISH)
- B.A. , M.A. (POLITICAL SCIENCE)
- B.A. , M.A. (SOCIOLOGY)
- B.A. , M.A. (HISTORY)
- B.A. , M.A. (ECONOMICS)
- B.A. , M.A. (PSYCHOLOGY)
- B.A. , M.A. (EDUCATION)
- BLIS , MLIS
- B.A. , M.A. (PUBLIC ADMINISTRATION)
- B.A. IN MASS COMMUNICATION

SCIENCE

- B.SC. ,M.SC. (PHYSICS)
- B.SC. , M.SC. (CHEMISTRY)
- B.SC. , M.SC. (MATHEMATICS)
- B.SC. , M.SC. (ENVIRONMENTAL STUDIES)
- B.SC. , M.SC. (BOTANY)
- B.SC. , M.SC. (ZOOLOGY)

COMPUTER SCIENCE & IT

- B.SC. , M.SC. (COMPUTER SCIENCE)
- B.SC. , M.SC. (DATA SCIENCE)
- BCA , MCA

COMMERCE & MANAGEMENT

- B. COM, M.COM
- BBA (ALL STREAM)
- MBA (ALL STREAM)
- BBA, MBA (HOSPITAL MANAGEMENT)

CONTACT US

- 6900674071 | 6900608541
- INFO@SVU.ORG.IN | SVUASSAM@GMAIL.COM
- SVU.ORG.IN
- IT PARK, CHANDAMARI, KOKRAJHAR, BTR, ASSAM 783370

EARLY BIRD (30) SCHOLARSHIP



सुजुगिरिनि खोलोम

राजखान्थिनि राजखान्थि

फैगौ माखासे साननि उनाव खुंजानो गोनां बिटिसिनि 5 थि बिसायख 'थिखौ लानानै दासान्दि बड'लेन्ड ओन्सोलनाडैऱेनो राजखान्थियारि दुंदुंहाव थासारि साग्लोबसारदों। बे बिसायख 'थिनि थाखाय ओन्सोलारि राजखान्थि दोलोनिफ्राय लानानै माहारियारि राजखान्थि दोलोसिम बयनिबो थांखियानो जादों बड'लेन्डनि खुंथाय गोहो लाफैनाय। खुंनो गोनां बिसायख 'थिनि बागै बिसायख 'थि आयगया दासिम अक्ट, समफारि फोसावयाखैब्लाबो बिसायख 'थिनि फोसावदिनाया थांनाय माखासे दान सिगांनिफ्रायनो जागायदों। बेजों लोगोसे समानैनो मोनफ्रोमबो दोलोफोरनि सोद्रोमा, मदतगिरि आरो दैदेनगिरिफोरनि गेजेराव जइनि जालायनाय, दोलो नागारनाय, हाबहैनयनि बाइदिसिना मेल, जथुम खुंनायखौबो समानैनो नुनो मोन्नाय जादों। फैगौ बिटिसि बिसायख 'थियाव मोनफ्रोमबो दोलोफोरनो हार्षि-हार्षि गेलेनाया रोखा जानानै फैबाय। हार्षि-हार्षि एबा एलाइन्स जायालासेनो बिसायख 'थि गेलेनायनि साखा-फाय जानायाव जुथाय हान्जा गावसानाया जैरै रोखा जादों बेबादिनो माखासेया साननि खाबु फैगोननि लामा नुहरनानै गोहो फोरनायजों लोगोसे ज' (एलाइन्स) जानायनि बाश्त्राखौ नेवसिगारनायबो नुनो मोन्दों। बिसायख 'थियाव हार्षि गेलेनाय आरो एलाइन्सआव गेलेनाया दोलोफोरनि राजखान्थि गेलेनायनि सोलोबो जानो हागौ। मानोना राजखान्थियाव जाथावै मोनबो गैया। मोनफ्रोमबो दोलोफोरनि थांखिया मोनसेथानो, बिटिसिनि खुंथाय गोहो सामलाय फैनाय। जानो हागौ बिटिसि बिसायख 'थिनि बारआ दोलो, दैदेनगिरि आरो मावफारियाफोरनि गेजेराव गोलाव सम सिगांनिफ्रायनो बारबोदों। बिसायख 'थिनि बे बारआ दासान्दि बाश्त्रा होनायफोरखौ लानानैबो गोख्रों बिबुंसार होलायनायजों लोगोसे ड'थि फारिलाइ, ट्राइबेल बेल्ट आरो ब्लकनि हेंथायै बाश्त्रा बुंनाय, नैथि नोगोरारिनि बाश्त्रा लाबोनानै गोदान गोदान स्लगानजों गोजोननि बार बारफुनाय, गिनाडै थासारि सौफैनाय, हिंसा-हिंसि गैयै बे ओन्सोलाव बिसायख 'थि फोसावदिनार्यनि मुडाव गांजि मोनलायनायनि बाश्त्रा बुंनाय, बिबुंथि लाखिनायबो दासान्दि नुनो मोन्दों। बेजों लोगोसे समानैनो बेनि हेंथायै दासान्दि इउपिपिएलजों लोगोसे माखासे ट्राइबेल आफादफोरल ' फिन्नाय होनानै गोजोननि ओन्सोलाव गोजोन हमथानानै लाखिनो नाजानायखौबो नुनो मोन्नाय जादों। मेल-मिथिफोरग बुंदों- बोसोरबायाव सोलिफु इउपिपिएल सरकारआ जेबो मावनानै दिन्थिनो हायाखै होन्नानै। बेराफसर् 17 बोसोराव बिपिएफ सरकारआ मावनो हायै बिटिसिनि जौगाथायनि हाबाफोरखौ बोसोरबानि गेजेरावनो सोलिफु इउपिपिएल सरकारआ मावफुंनायजों लोगोसे गोदान गोदान बिथांखि मिसन-भिजन लाबोनानै बिटिआर ओन्सोलनि 35 लाख सुबुंफोरनि जौगालु हाबा मावनायजों लोगोसे अरायथा गोजोन गायसन्नानै बे ओन्सोलाव राइजो जानाय गुबुन गुबुन हारिफोरनि गेजेराव खौसेथि, फोथायलायनाय आरो गिनाडै थासारि लाबोनायाव जाफुंसारनायखौ ओन्सोलनि राइजो-राजा सुबुंफोरनो हमदांनो हादों। थांनाय 17 बोसोराव बिटिसिनि थासारिया माबादिमोन आरो बेनि उन सोलिफु बोसोरबायाव मा रोखोम थासारि सौफैखो बेखौ राइजो-राजा सुबुंफोरनो बिजिरनानै मोनगोन। बिटिआरनि राइजो-राजा सुबुंफोरनि अस्सायारि हाबा, जौगाथाय हाबा, गोजोन थासारि लाबोनाय, गिनाडै गावजों-गाव थांलाय-फैलाय खालामनो हानाय थासारिखौ सोर मावदों-सोर मावाखै बेखौ बिजिरनाया राइजो-राजाफोरनि सायाव। मानोना बिसायख 'थिनि समआव बेफोर बाश्त्राफोरखौ बिजिरनानै नायनायनिबो गोनां। बिटिसिनि मोनफ्रोमबो हारिनि राइजो-राजा सुबुंफोरनि गेजेराव इउपिपिएल दैदेनाय खुंताय सामलाय जेन्नायनिफ्राय सोलिफु समसिम उदाडै थांलाय-फैलाय खालामनो हादों ना हायाखै लोगोसे गिनाइजासे दाब-दाब ओन्सोलफोरग जिउ खुंनायनि फिसा-गिदिर फालांगि खालामनानै जानो हानायनि लामा फैदों ना फैयाखे बेखौ बिटिसिनि राइजो-राजा सुबुंफोरनो हमदांनो हायो। सोलिफु बिटिसि खुंथायनि समआव बर'फोरनि गोमालांनो लामा लानाय गोबांथार दोरोडारि मुवा-बेसाद, आइजै-आइला, जाग्रा मुवाफोर जिआइ टेग मोनानै बर'नि होन्नानै मुलुगनाडै सिनायथि होनो हानाय जादों। बेपोरबो मोनसे मोनसे जाफुंसार। राइज्योयारि बन्द महरै बर'नि आंगो थोरेमखौ मान आरो गोनांथि होनानै 28 जानुवारियाव गोथार बाथौ सान आरो बड'फा उपेन्द्र नाथ ब्रह्मनि जोनोम सान 31 मार्च अक्टखौ फरग्यसा सान महरै राइज्योयारि बन्द सान फालिनो खाबु मोनायाव सोरनि आखाइ दडु बेनि बिजिरनानै नायनायाबो राइजो-राजानि आखाइयाव।

दिनैनि फान्जामुधि

राशि बाइदियै मुंनि गिबि हांखो

मेघ : अ ल	बृष : ऊ ब (उ ए इ)	मिथुन : क छ (ड घ)
कर्कट : ड ह	सिंह : म ट	कन्या : प ट (ण ष)
तुला : त र	वृश्चिक : ब न	धनु : ध भ (ढ़ फ)
मकर : ख ज	कुम्भ : ग श (स)	मीन : द च (ख ज झ)

मेघ: बेफार फालांगिरि मावग्रानि थाखाय गाहाम सान। मुलाम्फा खालामनो हागोन। गोजोन मोनगोन।

बृष: जेखि जाया शुभ हाबा मावनो हागोन। सान्नाया जाफुंनो हागौ।

मिथुन: गोसोआव माबाफोर दुखु मोन्नाय जानो हागौ। गोसोखौ हमथा।

कर्कट: सुधुरफोर माबाफोर जेंनायाव खोखलैनो हागौ। जैरेबो सांग्रां जानांगोन।

सिंह: माबाफोर ख'हा जानो हागौ। गोसोखौ गोजोन गैयै मोनगोन।

कन्या: जेखि खामानिखौनो मावा मुलाम्फा खालामनो हागोन। मोजां सान।

तुला: जेखियानो खामानि मावा जौगानायखौ मोन्नो हागोन। फारफ्रोमथिबो मोजां।

वृश्चिक: गोसो सिडाव माखौबा लानानै गिखंनाय मोन्नो हागौ। लोरबां जानो नाइ।

धनु: जेंना-जेंसि थानायफोरखौ लानानै गिनाय मोनगोन। जेखियानो जाया गोसोखौ हमथा।

मकर: गावनि अहंखार आखुनि थाखायनो खहा खालामनानै लागोन। गोसोखौ हमथा।

कुम्भ: गोसोनि सान्नाया देहाखौ लोरबां खालामनो हागौ। गोसोखौ लोरबां लानो नाइ।

मीन: मोनाबिलि 10 थानिफ्राय गोसोखौ शान्ति गैयै मोन्नो हागौ। जेखि जाया गोसोखौ हमथा।

मेघालयनि गिबि मन्थिआ राजखान्थि दोलोफोरखौ रेलवेनि बागै सावरायनायाव बाहागो लानो खावलायदों



शिलं, 9 आगस्ट: गिबि मन्थि कनराड के सांमाआ शुक्र बारखालि मेघालयनि राजखान्थि दोलोफोरखौ गावसिनि गसंथानायनि सायाव फिन सावरायफिनो आरो रेलवेनि सायाव दुलाराय दोलोयारि कमिटिनि फैनो गोनां जथुम्मायाव बाहागो लानो खावलायदों। बिथाडा बै सुबुंफोरनि फासैं सावरायदों जायफोरा सिगाडाव रेलवेनि सायाव सावरायनायनि थाखाय मोनसे जौसां दाबिदोंमोन, नाथाय दा सावरायनायाव बाहागो लानो नेवसिगारदों। सरकारआ जेंना गोनां मावबिथांखिफोर, जर'खायै खासि जयन्तिया हिल्सआव गेवलां सावरायनायखौ मोजाडै खुंफुंनो थाखाय गासै दोलोयारि

काजिरङ नेशनल पार्कआव मोन्नो थाडै आगोमा हारिनि सिला सं मोन्दों



गुवाहाटी, 9 आगस्ट: आसामनि हाग्रा मन्थिनि मोनसे पस्टनि बादिब्ला, काजिरङ नेशनल पार्कआव मोन्नो थाडै मासे ग्रे-हेडेड फिश इगल नुनो मोन्नाय जादों। बबेखानि सरेखाथि होग्राफोरा पार्कआव दैनि जेंना बांबोनायखौ लानानै जिंगा सिगासिनो दडु, जायजों इगलनि थाग्रा जायगा आरो गुबुन हाग्रानि जुनातफोरनि थाखाय खैफोद गोनां जादों।

सावराय जथुमनि उनाव नागाफोरा मणिपुराव राजा लामा होबथानायखौ बोखारनानै लाफिनबाय



इम्फल, 9 आगस्ट: मणिपुराव जेंनाया बृहस्पतिबारखालि खम जादों, जेब्ला फुहिल्स नागा क-अडिनेशन कमिटि (एफएनसिसि) आ इम्फलआव राइज्यो सरकारजों लोगोसे सावरायलायनायनि दान्दिसे उनाव गावसिनि होबथानाय आरो बिग्रायनायखौ बोखारफिन्दों। एफएनसिसिआ 18 जुलाइखालि मोन्थाइ गैयै लामा बानायनाय, गुबैयै

नागाफोरनि जोनोम हादतनिफ्राय बिसोरनि गनायथि गैया जासे बानायनाय जेंना गोनां जार्मन र'डनि हेंथायै होबथानायखौ जागायदोंमोन। फिन नायबिजिरनायाव कुकि मावफुंग्रा नोगोरारि आफादफोर (सिएसअ) आ माहारियारि राजा-लामा-2 एनएइच-2 आव होबथादोंमोन, जायजों एफएनसिसिनि बन्द' खालामनायनि फिन्नायाव

मेगलनि नुथाय आरो गोखै डाइभ खालामनायनि थाखाय मिथि जायो। बिथाडा बुंभावोदि, बे दावनि थाग्रा जायगानि रैखाथिआ खालि बेनि थांनानै थानायखौल' रोखा खालामा, माखासे खान्थिनि सावसिखौबो रोखा खालामो। ग्रे-हेडेड फिश इगलआ खोला आरो खोला-सान्जा एसियाआव मोनग्रा मासे गिदिर मैहुर खालामग्रा दाव। बे दावआ मासे रोगंथि गोनां जुनात जाग्रा, जाय दैनि बोरियाव जिरायो आरो सा बाहागोनि साखाथिनिफ्राय ना हमो। अदेबानि बेनि मुलुगनां सुबुं अन्जिमाया 10,000 निफ्राय 1,00,000 बैसो गोरा दावफोरनि गेजेराव जानो हागौ होन्ना सान्नाय जादों।

थांलाय-फैलायखौ हेंथा होदोंमोन। कुकि मावफुंग्रा नोगोरारि समाज आफादफोरनि सासे बुंथिगिरिया गिबियाव फोसावदोंमोनदि, बे एफएनसिसिआ होबथाना अब्लासिम सोलिबाय थागोन जेब्लासिम एफएनसिसिआ गावसिनि अनागार खालामनायखौ बन्द' खालामा आरो जौनि सुबुंफोरनि उदां थांलाय-फैलायखौ गनायथि होया। कमिसनार-नेहाथारि (नख'र) एन अशक कुमार आइएएसनि दैदेन्नाय गागि सरकारि बिबानगिरिफोरा ड अकु न्युमे आरो बि रबिन काबुइजों लोगोसे ए फ ए न सि सि सि नि दैदेनगिरिफोरजों लोगोसेबो बाश्त्रा सावरायदों।

सराइकेलायाव गंनै मालगारिफोरा गिखंथावै सौग्रावलायदों

सराइकेला, 9 आगस्ट: चान्डिल जंक्सन स्टेसननि खाथियाव शनिबारखालि फुडाव गंनै मालगारिनि जाब्रथाय जायो। खौरनि बादिब्ला, डाउन लाइनआव टाटा नगरनिफ्राय पुरुलिया फासैं थांबाय थानाय लहा लदि मालगारिआ चान्डिलए स्टेसन बारलांनायनि उनाव रेलनिफ्राय गोर्लैदों। रेल लाइननिफ्राय गोर्लैनाय ट्रेननि डाब्बाफोरा गुबुन फासैं दिगनिफ्राय फैबाय थानाय गुबुन मोनसे मालगारिनि डाब्बाफोरजों सोग्रावलायो। जाब्रथायखौ फुनि 4.00 रिंगायाव जादों होन्ना मिथिहोदों। थि समावनो गोबां रेलवे मावसुमाफोर आरो रैखाथि हान्जाफोरा सौहैदों। नाथाय बेखौ



ट्राम्पनि टेरिफ जाबसिन्नायनि गोहोम गोर्लैनायखौ भारतजों लोगोसे आमेरिकायाव नुनो मोनगोन

गोदान दिल्ली, 9 आगस्ट : आमेरिकानि हादतगिरि डनाल्ड ट्राम्पआ बावैसो सिगां भारतनि सायाव 50 जौखोन्दो टेरिफ जाबसिन्नो फोसावदोंब्लाबो, नाथाय बेनि गोथौ गोहोम गोर्लैनायखौ भारतआवल' नइ आमेरिकायावबो नुनो मोनगोन। अदेबानि मोनसे रिपटआव दाबि

दिखांनाय जादोंदि, जुदि मोगथांआव 50 जौखोन्दोनि टेरिफआ भारतनिफ्राय लाबोनाय मुवा-बेसादफोराव गोर्लैयो, अब्ला बेनि बांसिन गोहोमा भारतीय मुलि कम्पानीफोरनि बेसेननि सायावबो गोर्लैदों। बेल' नइ आमेरिकायावबो मुलिफोरखौ लानानै जेंना जानाय नुनो हागौ। बावैसो साननि गेजेराव स्टेट बैंक अफ इन्डियानि मोनसे रिपर्टआ



सोराइव फैदों। बे रिपर्टआव दाबि दिखांनाय जायोदि, आमेरिका नि टेरिफ जाबसिन्नायनि जाहोनाव मुलि फालांगिनि सायाव गोथौ गोहोम गोर्लैगोन। मानोना भारतनि गासैं मुलि एक्सपर्टनि 40 जौखोन्दोआ आमेरिकानि बाजारआव थाडो। बेनि अनगायै रिपर्टआव मिबथि होनाय जादोंदि, जुदि आमेरिकानि हादतगिरिया

गोजौसिन बिजिरसालिआ बिसायख 'थि आयगनि खान्थिनि सायाव सोंथि दैखांदों



गोदान दिल्ली, 9 आगस्ट: बिसायख 'थिनि समाव जुदि मोनसे मासियाव सासेल' बिजाथि थायो अब्ला बिसायख 'थि आयगआ बिखौ हेंथा गैयालासे देखगिरि महरै फोसावो आरो फिन बै मासिआव जेबो बिसायख 'थि जाया। बबेखानि दा गोजौसिन

बिजिरसालिआ बिसायख 'थि आयगनि बे खान्थिनि सायाव सोंथि दैखांदों। गोजौसिन बिजिरसालिआव साथाम जाजफोरनि बेन्च बिजिरगिरि सुर्यकान्त, बिजिरगिरि उज्जल भुइया आरो बिजिरगिरि एन कटेश्वर सिंहनि बेन्चआ बे आयदनि सायाव खोनासंहोनानै

ट्राम्पनि भारतनि हेंथायै टेरिफ जाबसिन्नायाव भारत-रसियानि सोमोन्दोआ गोख्रोंसिन जाबोदों



गोदान दिल्ली, 9 आगस्ट : भारत आरो रसियाआ गोबाव समनिफ्रायनो गोख्रोंयै हेफाजाब होबोलायदों। बेनि गेजेराव भारतआ आमेरिकाजों लोगोसे सोमोन्दोखौ गोख्रों खालामनानै रासियाजों लोगोसे सोमोन्दोखौ साबस्नांहोनोबो नाजाबाय थादोंमोन। आथिखालाव आमेरिकानि हादतगिरि डनाल्ड ट्राम्पआ भारतनि हेंथायै टेरिफ जाबसिन्नानै औरैबायदि थासारि सोमजिखां होदों, जेराव भारत आरो

रासियानि लोगो जानाया गोख्रोंसिन जानो हागौ। जेब्ला डनाल्ड ट्राम्पआ भारतनि हेंथायै टेरिफ बारायनायनि थाखाय 24 घन्टाडि डेडलाइन होबाय थादोंमोन, बे समाव भारतनि माहारियारि रैखाथि बोसोनगिरि अजित डभालआ रासियाआव दावबाय हैदों। अजित डभालआ रासियानि हादतगिरि भलडिमिर पुतिनजोंबो लोगो हमलायदों। बिथाड मस्क'आवनो खौरां होदोंमोनदि, पुतिनआ थाबैनो

भारतआव फैगोन आरो बिथांनि दावबायनायनि गोनांथि बायदिदै थियारि खालामगासिनो दं। भारतनि सायाव 25 जौखोन्दो टेरिफ जाबसिन्नायनि सिगां डनाल्ड ट्राम्पआ बुंदोंमोनदि, भारतआ रासियानिफ्राय गोबां थाव बायनानै इउक्रेन दावहाखौ फाइनेन्स खालामगासिनो दं। बिथाडा बुंदोंमोनदि, रसिया आरो भारतआ लोगो नांनानै गावसिनि 'डेड इकन'मिजों लोगोसे मा खालामगोन मा खालामा गावहा जेबो बुंनांगो गैया। पुतिननि भारत दावबायनायखौ फोसावनायनि सिगां बे खौरांआ सोराडाव फैदोंदि, गाहाइ मन्थि नरेन्द्र मदिआ एससिअ सम्मेलनआव बाहागो लानो थाखाय चिनआव थांनो हागौ। जुदि पिएम मदिआ चीनआव थाडो अब्ला बेयो थांनाय 7 बोसोराव बिथांनि गिबि चीन हादतआव दावबायनाय जागोन।

दासिमबो रोखा खालामनो हायाखै जे जाथाया माबोरै जाया। जायगानि सुबुंफोरा मिथि होदोंदि, फु'बिलिआव गंसै मालगारिआ चान्डिल स्टेसन बारलांनानै पुरुलिया फासैं थांगासिनो दडमोन। बे समावनो हरखाबै ट्रेनआव गोख्रों सोदोब खोनानो मोनो। सोदोब खोनानानै सुबुंफोरा नायनो खारबोयो। जायगानि सुबुंफोरा मिथिहोदोंदि, जुदि जाब्रथायाव ट्रेनआ मालगारिनि अनगायै दावबायारि ट्रेन जायोमोनब्ला गोबां सुबुंफोरनि जिउ खहा जागौमोन। जाब्रथायाव रावनिबो जिउ गोमायाखै। बबेखानि रेलवे बिबानगिरिफोरा थि समाव सौहैयो आरो जाब्रथायखौ नायबिजिरनो जागायो।

सालबारि जिल्ला गेलेमु आफादनि 'बि' डिभिजन फुटबल लीग-2025 नि बेतबारि गान्धा स्पर्ट्स क्लाबनि बान्जायनायाव सालबारि महकुमानि एनके बेतबारि गोर्जौ फरायसालि गेलेग्रा फोथाराव दिनैनिक्राय जागायजेनबाय। दिनै जागायजेन्नायावनो सालबारि जिल्ला गेलेमु आफादनि आफादगिरि कान्तेस्वर बसुमतारिआ जिल्ला गेलेमु आफादनि फिरफिलाइखौ बिरहोनायनि (6 बिलाइआव)

बिटिसियाव बिपिएफ आरो इउपिएलआ 20-20 मासि रानलायनानै बिसायख 'थि गेलेनांगौ : हाग्रामा

बिपिएफ दोलोआ मोन 6 ब्लकखौ लानानै दिनै कक्राझाराव बोर सारस्त्रिनाय गेदेरथार हाबाफारि खुंफुंदौं खौसेथिनि थाखाय मोनसे थिखानाय सम थानाडा : हाग्रामा महिलारि

कक्राझार, 9 आगस्ट: बर' माहारिनि देरसिन सुथुरानो जाबाय खाम्फा आरो सन्दन। बे सानै सुबुनि थाखायनो आं मोनसे समाव एबसुजौं गोरोबनो हायाखैमोन। फैगौ 15 आगष्टनि सिगां सिगां बिपिएफआ बिजाथिनि 2थि फारिलाइखौ फोसावगोन। बे बिबुंथिखौ लाखिदौं बिपिएफनि बारग' गाहाइ मावफुं सोद्रोमा हाग्रामा महिलारिआ। दिनै कक्राझाराव बिपिएफनि मोनसे गेदेरथार बोर सारस्त्रिनाय रेलियाव

तामुलपुराव लिरगिरि समाजनि बान्जायनायाव 'हा-सुबुं-खौसेथि सान' फालिदौं



तामुलपुर, 9 आगस्ट: आसाम लिरगिरि समाजआ मोनब्रै सान फालिबोगासिनो दड। बेफोर जाबाय लिरगिरि समाजनि गाइसन्थाइ सान, बिमा सान, आइजो सान आरो हा खौसेथि सान। हा आरो सुबुनि गेजेराव

कसुगावआव मोन 4575 नख 'रनो हानि पाट्टा गथायदौं

राजखान्थिया हारिनिखुइ गेदेरसिन जानो हाया, हारिनि थाखाय राजखान्थि नागारनो थियारि दड: रन्जित बसुमतारि गसाइगाव, 9 आगस्ट: "एबसु (दुलाराय बर' फरायसा आफाद) नि खावलानायाव जाय मोन 16 बर' हारियारि आफादआ बिपिएफ-इउपिएलनि खौसे जानायखौ हास्थायदौं बेनि थाखाय जौं थियारिआव दड। जायखि-जाया समआव इउपिएल दोलो एबा सरकारखौ सिमफायनो

अभारहेड दैनिकि लुफुंनय

इ-टेन्डर नं. सिअएन-एनएफआर-आइ-इएनजिजि-डब्लिनजिटि-301. गाहायाव होनाय खामानिफोरनि थाखाय रैन थि गोनां आरो मुंडाबा थिखादारफोर) /फार्म (एस) निफ्राय इ-टेन्डरि' खान्थिनि गेजेजौं गेवलां टेन्डर हाखायहलनय जायो।
खामानिनि मुं: रडिया डिभिजन, एन.एफ. रेलवे (बिआर-311) नि रेलवे मोबिलि गोहोनि खामानिफोरजौं लोब्बा लाखिनो गुबुन हेफाजबारि खामानिफोरजौं लोगोसे अभारहेड बाटार टंक (40000 एलटिआर), पाप्प हाउस आरो लहा बोखारिया प्लान्ट (उदालगुरि, गडपारा सा आरो बिचननाथ चारियाली) लुनाय। टेन्डरनि बेसिन: 3,52,94,519.78 रं। अग्रिम रं: 3,26,500 रं। टेन्डर जोबनायनि अक्ट आरो सम: 27-08-2025 नि 12:00 आव बन्द जागोन। गोर्जौनि इ-टेन्डरनि टेन्डर डकुमेन्टफोरजौं लोगोसे आबु फोर मायथिखौ वेबसाइट www.ireps.gov.in आव गोबाइड मोननो हागोन। सिइ-आइआइ/सिअएन, मालिगाव

सा-सान्जा सिमना रेलवे

(लुफुंनय आफाद)

मिस्त्रिनायजौं गाहफोरनि सिथियड

बागानपारायाव बि जे पि दोलोनि देरहासार थांखि मेल

भि सि डि सिआ ना बार्लि बायदिसो: ड॰ हिमन्त बिश्व शर्मा

मुसलपुर, 9 अगस्ट: बाक्सा जिल्लानि बागानपारायाव भारतीय जनता पार्टी तामुलपुर जिल्लानि बान्जायनायाव 25 नं बागानपारा बियाबनि हायुडरि बियाबाव बि जे पि दोलोनि देरहासार थांखि सावराय मेल। बे सावराय मेलआव बाहागो लानानै गिबि मन्थ्रि ड॰ हिमन्त बिश्व शर्मायआ दोलोनि मावथिफोरनि सिगाडाव बिबुंथि लाखिनानै फोरमायेदि फैगौ बि टि सि बिसायख 'थियाव बि जे पि

दोलोआ मोन ब्रैजि बियाबावबो बिजाथि फसंगोन। थानाय 2020 ई माइथायनि बिसायख 'थियाव बि जे पि दोलोनि बिजाथिया एसे भटआवनो बागानपारा

बियाबआव जेनदौंमोन। देरलाइ बोसोरनि जानो गोनां बिसायख 'थियाव फिन बागानपारा बियाबआव बिजाथि फसंगोन। आरो देरलाइ बोसोरनि बे बिसायख 'थिआव

बि जे पि दोलोनि बिजाथिया देरहासारनाया रोखा आरो बि टि आरआव सरकार दागोनआबो रोखा होन्नानै दाबि देखानायखौ नुनो मोनो। लोगोसे बिथाड सिगांनि समाव बि टि आर हालामआव रावबो आसामनि मन्थ्रि एबा एम एल एफोरा फैयामोन राइजो-राइजाफोरखौ खौरां लायोमोन। नाथाय बि जे पि दोलोआ आसामाव सरकार सामलायनायनि उनाव गोबां सोलायनाय फैबाय। जेराव गावनो आं गिबि मन्थ्रि जानानै (6 बिलाइआव)

दैदेनगिरिफोरखौ गुबुन दोलोआव थांजानो गिनानैसो बिजाथिफोरनि मुंखौ फोसावदौं : प्रमद बर'

200 निफ्रायबो बांसिन सुबुंफोरनि नुजाथिनायाव इउपिएलआ खौसेथियै दावबायदौं

चिरां, 9 आगस्ट: बिटिसि बिसायख 'थिनि सानआ खाथिनिफ्राय खाथिसिन सफैनाय लोगो लोगोनो खुंथाइ गोहोआव थानाय दोलो आरो बेरेखा दोलोआव थानाय दोलोफोरजौं लोगोसे गुबुन-गुबुन दोलोफोरनि गेजेराव बिसायख 'थियारि साखा-फाराथिनि थाखाय मुखुब हाबाफारिया बांगासिनो दड। शुक्रबार मोनाबिलि समाव 13 नं चिरां ब्लक इउपिएलनि बान्जायनायाव बासुगाव सहराव मोनसे खौसेथिनि दावबायनाय हाबाफारि खुंफुंनय जायो। बेनि सिगां राजासारां राइज्योयारि गेवलां गेलेग्रा फोथाराव मोनसे

सावरायमेल खुंफुंनय जायो। 200 निफ्रायबो बांसिन दोलोनि दैदेनगिरि मावफारियाफोरनि नुजाथिनायाव खुंफुंनय बे मेलआव बिटिसिनि गाहाइ मावफुं सोद्रोमा एबा इउपिएलनि आफादगिरि प्रमद बर', राइज्यो सभानि एमपि एबा इउपिएलनि मावफुं

आफादगिरि रेनगोरा नार्जरी, सिदली बिधान सभा बियाबनि एमएलए निरमल कुमार ब्रह्मजौं लोगोसे इउपिएल दोलोनि गोबां दैदेनगिरिफोरनो बाहागो लायो। थिखानाय समनिखुइ इसे गोबावसिनजौं नुजाथिनो हानाय बिटिसिनि गाहाइ मावफुं (6 बिलाइआव)

जमदुवारबियाबआव इउपिएलनि मावफारिया मेल

कंग्रेस-बिपिएफआ जेबो फेक्टर नड आरो बिजेपिखौ लानानै जेबो गिखांनय गैया: उर्खाव गोर ब्रह्म

गसाइगाव, 9 आगस्ट: फैगौ बिटिसि बिसायख 'थिखौ लानानै इउपिएल दोलोआ गावसोरनि दोलोआरि बिथाखौ गोखौं खालामनो थाखाय बायदि हाबाफारि आजावनाय नुनो मोन्नाय जादौं। दिनै गसाइगाव महकुमानि काशियाबारिआव थानाय मुंख्लं सुजित नार्जरी गोसोखांथि मेल जथुमसालियाव इउपिएलनि जमदुवार ब्लक आफादनि मोनसे मावफारिया मेल खुंनय जायो। 4 नं जमदुवार ब्लक

इउपिएलनि सिडव थानाय मोनफ्रोमबो प्राइमरि कमिटिनि मावफारिया-सोद्रोमाफोरा बाहागो लाफैनाय मावफारिया मेलआव इउपिएलनि गागि

दैदेनगिरि आरो आसाम सरकारनि केबिनेट मन्थ्रि उर्खाव गोर ब्रह्मआ गाहाइ आलासि महरै बाहागो लाफैदौं। (5 बिलाइआव)

सानसेयावनो 300 निफ्रायबो बांसिन सुबुंफोरा बिजेपिआव हाबदौं

उदालगुरि, 9 आगस्ट: बिजेपिआ रावखौबो फेजेन्नो थाखाय बिसायख 'थियाव बादया, बिजेपिआ सरकार दाफुगोनब्लाबो इउपिएल आरो बिपिएफखौ लानानैनो सरकारखौ दाफुंगोन। बिटिआरआव बे समाव बिजेपिनि सुनामि फैदौं बुब्लाबो बांद्राय बुंनय जानाय नड बे बाथ्राखौ जौंसां बर'आ। बिटिआरआव बिसायख 'थियारि दावहानि संक सुगदावनाया बे समाव जेरावबो जेरैबो गोमखांगसिनो दड। बिसायख 'थिनि सिगां सिगां बिटिआरआव मोनफ्रोमबो (5 बिलाइआव)

कक्राझाराव मुलुगनां आदिबासि सान फालिदौं हारियारि दाडा बाजियाव खहा जानानाय सुबुंफोरनो खहा सुफुंथाइ होनांगौनि गोखौं दाबि

कक्राझार, 9 आगस्ट: भारतआ उदांसि जानायनि उनावनो भारतआरि स' बिजिद आ व आदिबासिफोरकौ अनुसुसित जाति महरै सोसनफानायनि उनावबो दिनैसिमबो आसामनि (6 बिलाइआव)

134थि इन्डियान अथेल डुरान्ड कापआव बड'लेण्ड एफसिआ पान्जाब एफसिखौ 1-0 गलआव फेजेन्दौं

कक्राझार, 9 आगस्ट: ओन्सोलनि हान्जा बड'लेण्ड एफसिआ आइएसएलआव बाहागो लाग्रा पान्जाब एफसिखौ कलम्बियानि स्ट्राइकार रबिन्सन ब्लेन्डन रेन्दननि नैथि हाफनि 69थि मिनिटआव गल सोनायजौं ओन्सोलनि गोसो गोर्बौजौं हेफाजाब होफैनाय नायगिरिफोरखौ बांसिनै रंजाखां होनो हादौं। मख 'नो गोनांदि, दिनैनि बे बादयालानायाव जेनांनय पान्जाब एफसिआ थानाय बोसोरनि क्वार्टर फाइनलसिम सौहैनो हादौंमोन। नाथाय बे खेबआव 4 पइन्डल' मोन्नो हानानै गुबुन फार्सेंथि बड'लेण्ड एफसिआ 6 पइन्ड आवग्रिनानै पान्जाब एफसिखौ बिमुं देरहानायनि सिमांखौ फेलें खालामो। मख 'नो गोनांदि, (6 बिलाइआव)

फातेमाबाद साहा बागानआव मुलुगनां आदिबासि सान फालिदौं

भबानिपुर, 9 आगस्ट: सालबारि महकुमानि सिडव थानाय बासबारिनि फातेमाबाद साहा बागानआव दिनै दुलाराय आदिबासि फरायसा आफाद सुंद थै 'आशा नि बासबारि आन्सलिक आफादनि बान्जायनायाव मुलुगनां आदिबासि सान फालिनाय जादौं। बे थांखिखौ लानानै जागायजेन्नायावनो फातेमाबाद साहा बागानआव गायसन्नाय बीरशा मुन्डानि (6 बिलाइआव)

खुंनय हानि पाट्टा गथायनाय हाबाफारियाव मावफुं सोद्रोमा रन्जित बसुमतारिआ बिपिएफजौं खौसे जानायनि सोमोन्दै बिथाडा बुंदौदि, (5 बिलाइआव)

बिटिआरनि सोलोंथाइ बिफाननि बानजायनायाव फरायसालिफोराव डिमिट आन्जाद

बिजनी, 9 आगस्ट: बिटिसिनि सोलोंथाइ बिफानआ बिटिसिनि फरायसालि आरो फ रा य सालि मा फो रा व डार्मे ट 'ग्लिफिक्स माल्टी-इन्टिलिजेन्स टेस्टखौ फारियै जाफुं होदों। थांनाय 28 जुननिफ्राय उदालगुरि जिल्लानिफ्राय जागायनानै चिरां जिल्ला हिसाबै दिनै जोबफै बाय। गुदि फरायसालिनि थाखो बानिफ्राय लानानै गोर्जोसिन गेजेरारि थाखोनि जिनै थाखोनि फरायसाफोरखौ लानानै डिमिट एबा डार्मे ट 'ग्लिफिक्स माल्टी इन्टिलिजेन्स टेस्टखौ लानाय जादों। बिटिसिनि गंफ्रोमबो जिल्लानि गंफ्रोमबो बिटिसि बियाबाव बे आन्जादखौ लानाय जादों। उदालगुरि जिल्लानिफ्राय जागायनानै तामुलपुर, बाक्सा आरो चिरां जिल्लायार आन्जाद लानाया जाफुं सारै जोबलां बाय। चिरां जिल्ला आव समष्टि थाखो आव थांनाय गु साननिफ्राय जिल्लानि गुबुन गुबुन फरायसालिफोराव बे



डिमिट आन्जादखौ खुं नाय जादों मोन। दिनै जिल्लानि माखा गोर्जोसिन गेजेरारि फरायसालियाव लानाय डिमिट आन्जाद आव गं थामजिनिबो बांसिन गुदि, गेजेर फरायसालि, गोर्जौ फरायसालि आरो गोर्जौसिन गेजेरारि फरायसालिनि खमैबो सा 3 रोजानिबो बांसिन फरायसाफोरखौ डिमिट लानाय जायो। इडुकेसन एडभाइजरि बर्डिन

सोड्रोमा एबा बें टल फरायसालिमानि आजिरा मोन्नाय गोरायुं ड॰ रन्जित कु मार नार्जारिआ डार्मे ट 'ग्लिफिक्स माल्टी इन्टिलिजेन्स टेस्टनि बागै मिथिहोयोदि, बे आन्जादखौ उननि समाव गंफ्रोमबो फरायसालियाव लानाय जागोन। बेयो बिगियानारि आदबजों बानायनाय मोनसे आन्जाद। बेनि गेजेरजों सासे फरायसानि सोलोंथाइयारि गुन

आरो हारोंथाइखौ हमदांनो हायो। फरायसाफोरनि जोनोमारि गुनखौ डिएमआईटिजों सिनायथिनाय जागोन आरो फरायसाया फरायनायाव बेसेबांसिम गोहो दं बेखौ नायबिजिनो हायो। बेनि अनगायै बो फरायसाफोरनि गोबां रोंग थिफोरखौ बे खांथिनि गेजेरजों सिनायथिनाय जागोन आरो फरायसाफोरा गावसोरनि थांखिखौ

मोनफुंनो थाखाय गावसोरनि गोसो जानाय आयदायाव मुं थिसन्नो हागोन। बिथाड बुं बावोदि – सासे फरायसाया मोजां नम्बार एबा जौखोन्दो लानानै उथिनो हायोब्लानो दिथागिरिफोरा गावसोरनि लुबैनयबादि गावनि फिसाखौ फरायनो नारसिनो जाहोनाव गोबां फरायसाफोरा फरायनायाव हेंथा जाहैयो। सासे फरायसाखौ माबे आयदाजों सोलोंथाइ होनानै जाफुंसार जानो हागोन बेखौ नोजोर होनानै बे आन्जादखौ लानाय जादों आरो बेनि गेजेरजों बड'लेण्ड आव सुबुं थोन सोरजिनो हागोन। गुबुन फारसेथिं, “दाहाल” मुं नि बिथांखिनि गेजेरजों बड'लेण्ड ओन्सोलनि डिग्री फरायनाय, मास्टर डिग्री फरायनाय, डाक्टर, इन्जिनियार फरायनाय फरायसाफोरनो बा लाख रॉनि इन्सुरेन्स फोनफुं होनो थाबैनो फोसावनाय जागोन होन्नाबो मिबथि हायो बिथाड। □

भालागुरिआव फुटबल बादायलायनाय खुंदों

गमुरा गुड र्मनि आरो रौमारिआ फाइनाल आव सौहैबाय

भबानिपुर, 9 आगस्ट: सारुपे तानि साखाथि भालागुरिनि फल्लापार गेलोग्रा फोथाराव भालागुरि लायन्स क्लाबनि बान्जायनायाव सोलिबाय थानाय फु टबल बादायलायनायनि दिनै खुं नाय नै थि सेमि

फाइनाल आव रौमारि फुटबल क्लाबआ बरतारि फु टबल क्लाबखौ 1-0 गलनि फारागथियाव फेजेन्नानै फाइनाल आव सौहैनो देरहानायजों फाइनाल आव सौहैयो। गुबुन फारसे मैया सकु बारखालि खुं नाय सेथि सेमि फाइनाल आव गमुरा गुड र्मनि स्पर्टस क्लाबआ

नलबारिपाम फुटबल क्लाबखौ 2-1 गलनि फारागथियाव फेजेन्नानै फाइनाल आव सौहैनो हाबाय। गाबोन साननि 3:00 रिंगानिफ्राय खुं जानो गोनां फाइनाल गेलोनायाव गमुरा गुड र्मनि स्पर्टस क्लाब आरो रौमारि फु टबल क्लाबनि गेजेराव बादायलायगोन □

(□ 3 बिलाइनिफ्राय)

सानसेयावनो 300 निफ्रायबो बांसिन सुबुंफोरा बिजेपिआव हाबदों

राजखान्थियारि दोलोफोरनो गावबा गाव दोलोनि मावफारियाफोरखौ लानानै जान्जि खाफ्रानायाव मुखुब जानानै दड। गिबि मन्थ्रिनि देरहासार थांखि मेलनि उनवनो भेरगाव बियाब आव बिजेपिआव हाबनो थाखाय गोलाव सारियाव गसंनानै गोबां सुबुंफोरनो नेनानै थादों। बिटिआर आव बे समाव बयबो बिजेपिखौ गोबानानै लादों। बिटिआर आव राइज्यो जाबोनाय गासैबो हारि माहारिनि सुबुंफोरा बिजेपिखौ मोजां मोन्नानै सान हर उदाडैनो गावसोरनि गोसो बायदि दोलो आव हाबफैनायनि दोहो सोमजिदों। जर'खायै बिटिआर ओन्सोलनि जौगाखांनयनि सार्थ आव बिजेपिखौ बयबो उदाडैनो हेफाजाब खालामो। बिटिआर आव बिजेपिआ हारसिडै सरकार दाया, इडपिपिएल आरो बिपिएपखौ लाफानानैसो सरकारखौ दाफुंगोन। मानोना बिजेपिआ रावखौबो फेजेननो होन्नानै बिसायख'थियाव बादायनो ओंखाराखै। देरहासार जानो थाखायसो बिसायख'थि गेलोगोन। बे समाव बिटिआर आव बिजेपिनि सुनामि फैदों बुं ब्लाबो बांद्राय बुं नाय जानाय नडा। बे बाथ्राखौ बुंदों उदालगुरि जिल्ला बिजेपिनि गाहाइ नेहाथारि एबा बिजेपिनि लाइमोन दैदेनगिरि जौसां बर'आ। 32 नं बियाबनि बिजेपिनि दोलो आव हाबनाय हाबाफारियाव बाहागो लानानै दैदेनगिरिया बेबायदिनो बिबुंथि लाखिदों। बिपिएफ इडपिपिएल दोलोनि फारसे बिजेपिहा जेबो गांजि नोजोर गैया। सुबुंखांन्थियारि हादराव बिटिआरनि नोगोरारिफोरनि खावलायनायनि हेफाजाब होनानैसो बे खेब आव बिजेपिआ हारसिडैनो बिसायख'थियाव बादायनो ओंखारदों। बिजेपिआ बिपिएफ आरो इडपिपिएलजों जेबो सुथुर गैया। गासैबो दोलोहानो बिसायख'थि गेलोनयनि मोन्थाइ दड। भेरगाव बियाब आव खुंफुं नाय दोलो आव हाबनाय हाबाफारियाव गुबुन-गुबुन ओन्सोलनिफ्राय 300 निफ्रायबो बांसिन इडपिपिएलनि हेफाजाबगिरिफोरा बिजेपिआव हाबफैदों होन्ना जौसां बर'आ फोरमायदों। □

कसुगाव आव मोन 4575 नख'रनो हानि पाट्टा गथायदों

बिटिसिनि मोन 26 हारि-हारिसाखौ लोगोसे लानानै इडपिपिएल दोलोखौ दानाय जादोंमोन आरो बे हारियारिफोरजों सावरायलायनानै एबसुनि बान्जायनायाव मोनसे गोदान समाज दानायव जेबो अज'द गैया। गोजोन आरो जौगाखांनयनि थाखाय इडपिपिएल दोलोआ गासैबो थांखि लानो हायो नाथाय बिपिएफआ साहस गैया होन्ना बिथाड बुडो। बिथाड हाग्रामा महिलासिखौ सोंखारिना नै थांनाय 4 खावसे बोसोर आव बिटिसिनि संसद आव नुजाफैनो साह'स खालामनो हायाखै होन्ना नै बुडो। गुबुन फारसे इडपिपिएल सरकारआ बिटिआर आव हा गैजायै राइजो-राजाफोरनि गेजेराव 4575 नख'रनो हानि पाट्टाफोरखौ हाबाफारि बायदिदै गथायना होदों होन्ना मख'नानै बुंदोंदि, थांनाय सानफोराव हानि जेंना-जेंसिनि मुंखौ लानानै खायसे राजखान्थियारि दोलोआ बर'-बर' नडै, बर'-सावथाल राजखान्थि खालामनायजों लोगोसे हारि-हारिसानि राजखान्थि खालामबोदों। नाथाय इडपिपिएल दोलोआ जायखि-जाया बोखावजानायनि राजखान्थिखौ हेफाजाब होयालासे बाथ्रा होनाय बायदिदै खामानि मावना पाट्टाफोरखौ गथायदों। बिथाड आरोबाव मख'दोंदि, बिपिएफ दोलोआ 17 बोसोर आव मोन 1623 नख'रफोरसोल' पाट्टा होदोंमोन। गुबुन फारसे इडपिपिएलआ 4 बोसोरनि गेजेरावनो 3 लाख 66 रोजा नख'रनो हानि पाट्टा गथायनो हादों। महिलासिखौ लुथिनयनि राजखान्थिल' खालामबोदोंमोन होन्ना बिथाड अज'द होयो। लेडाइ जिल्ला बेंगिरि सुभ्रमादित्य बराआ सामलायनाय हाबाफारियाव केबिनेट मन्थ्रि उर्खाव गोरा ब्रह्म, एमएलए जिरन बसुमतारि, मावफुं सोद्रोमा उखिल मुसाहारि, कचुगाव हाग्रा संमन्डलनि हाग्रा बिबानगिरि धिरेन्द्र बसुमतारिमोनजों लोगोसे इडपिपिएल दोलोनि माखासे दैदेनगिरि-मावफारिया आरो रोजा-रोजा राइजो-राजाफोरा हानि पाट्टा गथायनाय हाबाफारियाव बाहागो लाफैदों। □

जमदुवार बियाब आव इडपिपिएलनि मावफारिया मेल

जमदुवारनि ब्लक इडपिपिएलनि बान्जायनायाव खुं नाय दोलोआरि मावफारिया मेल आव बाहागो लानायनि उनाव मन्थ्रि ब्रह्मआ खौरां बिजोंनि सिगाडाव बिटिसिनि सरासनस्त्रा जथुमारि बिसायख'थियाव मोन 40 मासिनि गेजेराव इडपिपिएलआ 20 निबो बांसिन मासि आव देरहानानै मोनसे बांसिन्थार अन्जिमा मोन्नाय दोलो महरै फिन बिटिसि आव सरकार दानाया रोखा होन्ना बुडो। बिटिसि आव कंग्रेस आरो बिपिएफआ जायखि-जाया जाहोनाव इडपिपिएलनि थाखाय फेक्टर नडा होन्ना मख'नानै बिथाड आरोबाव बुंदोंदि, बिजेपिखौ लानानै इडपिपिएलआ जेबो गिखांनाय गैया। थांनाय 2020 माइथायवबो बिजेपिजों लोगोआरि गैयाजसे बिसायख'थियाव बादायलायनानै मागुनिखुइ बांसिन आरो बे खेबावबो बिसायख'थियाव इडपिपिएलआ हारसिडै बादायलायनानै आगुनिखुइ बांसिन मासि मोन्नो हागोन। मिरु आरो राइज्यो सरकारजों इडपिपिएलनि लोगोआरिआ दडब्लाबो बिटिसि बिसायख'थियाव बिजेपि आरो इडपिपिएलजों माब्लाबाबो लोगोआरि गैयामोन होन्ना बिथाडा मख'दों। थांनाय 5 बोसोर आव प्रमद बर'आ गोबां खामानि मावदों। बिटिसि आव गोजोन थासारिया फैदों। बिटिसि आव गोजोनखौ सोर लाबोदों होन्ना सोंथि दैखांना नै बिथाड आरोबाव बुंदोंदि, भारतनि गाहाइ मन्थ्रि नरेन्द्र मदिया जेब्ला एनडिएफबिजों गोदान रादायनि गोसो फोरमायथियाब्ला गोजोनआ माबौरै फैफिनगौमोन। नैथि आव एनडिएफबिनि हान्जाफोरा जेब्ला गोजोन हाबाफारि आव बाहागो लायालासेनो हाग्रायानो थायोब्ला माबौरै गोजोनआ फैगौमोन। थामथि आव मोनब्रै एनडिएफबि हान्जानि गेजेराव थानाय दावराव दावसिखौ सावरायलायनायनि गेजेरजों फोजोबनानै खौसेयै प्रमद बर'आ गोजोननि हाबाफारियाव लाबोयामोनब्ला गोजोन थासारिया माबौरै फैगौमोन होन्ना सोंथि दैखाडो। गुबुन फारसे राइज्योनि गिबि मन्थ्रि ड॰ हिमन्त बिश्व शर्माआ गोसो सिंनिफ्राय बड'लेण्ड आव गोजोन थासारिखौ लाबोनाय जेसेबां हेफाजाब होदों बेनि थाखाय गोजोनआ फैदों होन्ना बुडो। मोनसे जुथाइ दाजानायाव बड'लेण्ड आव गोजोनआ फैदों आरो बे गोजोन थासारिखौ सिमफायहोनाडा होन्ना बिथाडा खावलायो। बिथाडा बिटिसि बिसायख'थियाव जायखि-जाया सोलोखान्थिजों नडा, गोसो-गोर्बोंजों बादायलायगोन होन्ना नै बुंदोंदि, जॉनि सैथोथिआ बयनिखुइबो गेदेर गोहो जागोन। फोथायथि आरो सैथोर्जों जोडो बादायलायगोन। बे बादायलायनाया सोरबा दोलोर्जों नडा, बे बादायलायनाया जॉनि दोलोनि गेजेराव जागोन, जाहाथे जोडो मोन 20 मासिखौ माबौरै 25 मासिसिम बांहोनो हायो बेनि थाखाय जोडो बादायलायगोन होन्ना बिथाडा बुडो। फारसेथिं 4 नं जमदुवार बियाब आव इडपिपिएलनि थाथाइआ गोखों होन्ना मख'नानै बुंदोंदि, बिपिएफ दोलोनि गोहोमआ कक्राझार आव मोनब्लाबो गसाइगाव महकुमानि गासैबो मासि आवनो बिपिएफआ लाथिख' जागोन। बिटिसिनि दर 40 मासिनि गेजेराव मोन 7 मासिनि बांसिन बिपिएफआ देरहानो हाया होन्ना नैबो मन्थ्रि ब्रह्मआ दाबि खालामदों। बिजेपिआ बिटिसि आव सरकार दानायनि थासारियाव गैया होन्ना मख'नानै बुंदोंदि, सरकार दानायाव लोगोआरि जानाय आरो लोगोआरि जाया बेखौ बिसायख'थि फिथायनि उनावसो रोखा जागोन। मावफारिया मेल आव एमएलए जिरन बसुमतारि, एमसिएलए रेवेरेवा नाजिहारिमोनजों लोगोसे गासै 300 निखुइ बांसिन मावफारिया-सोद्रोमाफोरा बाहागो लादोंमोन। □



उदालगुरि, 9 आगस्ट: फैगौ 79 थि भारतनि उदांसि सानखौ लोब्बा लानानै उदालगुरि जिल्ला खुंथाइआ गुबुन-गुबुन बिफाननि हेफाजाबाव जिल्ला नाडैनो बायदि रोखोमनि हाबाफारि मावफुं बोदों। दिनै सनिबारखालि बेनिनो सिडाव उदालगुरि नोगोर आफादनि बान्जायनायाव मोनसे साखोन-

सिखोन खालामनाय हाबाफारि खुं नाय जायो। उदालगुरि जिल्ला खुंथाइ आरो एमआरएसडि एनजिअ'नि हेफाजाबाव खुं नाय मोनसे साखोन-सिखोन हाबाफारिखौ उदालगुरि रेलवे स्टेसननि साखाथियाव थानाय थुलुंगा हाथाइ ओन्सोल आव खुंदों।

जिल्ला बेंगिरि पुलक पातगिरिआ गावनो बे साखोन-सिखोन हाबाफारियाव बाहागो लानानै दाखोरफोरखौ बुथुमनाय हाबाफारिखौ दैदेनो आरो राइजोफोरनिमिम साखोन-सिखोननि फारसे गोखों खौरां दैथायहरो। बेजों लोगोसेनो बिथाडा गासै ओन्सोलखौ

दावबायो आरो लामार्थिजाय ओंखारबोनाय गलानि बाहागोफोरखौ लांदां खालामनो गलादारफोरखौ खावलायो। मानोना लामाजों हान्थिगिरिफोरनि थाखाय लामाया रैखाथि गोनां जानानै थायो। जर'खायै मटर-गारिफोरा थांलाय-फैलायजों लोगोसे

काश्मीरनि कुलगाम आव उतखारिफोरजों गुलि गावलायनायाव सानै जावनफोर मुंख्लं

श्रीनगर, 9 आगस्ट : जम्मु-काश्मीरनि कुलगाम आव थांनाय 9 साननिफ्रायनै रैखाथि हान्जाफोरा उतखारिफोरनि हेंथायै अपारेशन खालामगासिनो दं मोन। मिबथिनो मोननाय बायदिब्ला, कुलगाम आव हससै गावलायनायाव सानै जवानफोरा मुंख्लं जायो आरो माखासे रैख। थि मावसुमाफोरा जोखोम जादों। सान्थि अपारेशन दासिम सोलिगासिनो दं। मावख'यारि रिपर्ट आव मिबथि होनाय जायोदि, थांनाय मोनायाव उतखारिफोर आरो रैखाथि

हान्जाफोरनि गेजेराव गिखं थाव गुलि गावगुंलायाव साब्रै सान्थि मावसुमाफोरा जोखोम

हायेन आव लावसिन सोलिनाय अपारेशन, जाय 9 थि सानावबो सोलिगासिनो दं।

हाग्रायार खमैबो सा 8 उतखारिफोर दं जायफोरा मोन्थाम आलादा-आलादा पजिसन लानानै दं। फुंनि



जादों। बबेखानि साब्रै जोखोम जानाय सान्थि मावसुमाफोरनि गेजेराव सानै जवानफोरा जिउ गोमाबाय। मख'नो गोनांदि, बे अपारेशना

गावलायनायनि गिबि मोनायाव सासे उतखारिया जिउ गोमादों आरो साब्रै सान्थि मावसुमाफोरा जोखोम जादों। खौरां आव मिबथिनाय बायदिब्ला,

समावसो बेवहाय गुलि गावलायनाय जादों। बेनि गेजेराव अपारेशननि गेजेरजों हाग्रा ओन्सोलाव थाग्रा माखासे सुबुंफोरखौ रैखाथि गोनां जायगायाव दोनहैनय जायो। □

माहाम देहानि राहा

गथ 'फोरनो माखासे मुवा-बेसादखौ फुनि समाव जाहोयोब्ला बिसोरखौ गोख्रोंसिन खालामनो हायो

ग थ ' फ ो र नि न जौगाखानायनि थाखाय गासैबो बिमा बिफाफोरा गोबां जिंगासियो। साफ्रोमबो बिमा बिफाफोर गाव-गावनि फिसाजो फिसालाखौ मोजां नुजानो हास्थायो। बेनि थाखाय गोनांथार जाग्रा आदारफोरखौ जाहोनाया गोबां गोनांथार। मानोना जेब्ला गथ ' जोनोम जायो अब्ला बिसोरनि सेलफोरनि जौगाखानाया सोलिबाय थायो। गुरे हाराफोरा स्किन सेल्स आरो खर ' मेलेमनि निउरन्सखौ फ्रि लाखियो। बे समाव गथ 'फोरनो जायखौ जाहोयो बेनि गोहोम गोग्लैनायखौ नुनो मोनो।

(1) बाटार : गथ 'फोरनिफ्राय लानानै गिदिरफोरनि डाइटआ बिसोरनि देहानि थासारिखौ फोरमायो। बाटारखौ जानो थाखाय बयनोबो सुबुरुन होनाय जायो। मानोना बेयो मोनसे मोजां प्रटिन। फार्सेथिं गथ 'फोरनि जौगाखानायनि थाखाय गोनांथि जानाय गासैबो गुनफोरा बेवहाय थायो। जैरे-आयरन, पटासियाम, मिनारेल्स आरो



भितामिनफोरा थायो।

(2) सुजि : फुनि जाग्रा आदार जानायाव सुजिखौ जाफादेरनांगौ, बेखौ जायोब्ला गथ 'फोरनि देहानि लिरथाया बाड आरो उदैखौ बुनाय बायदि मोनो। बेखौ सानफ्रोमबो जायोब्ला देहायाव एनाजि मोनो आरो दोगोनखौ गोख्रों खालामनो थाखाय मुलाम्फा गोनां जायो। बेनिखायनो फुनि जाग्रा आदाराव गथ 'फोरनो सुजिखौ जाहोनांगौ।

(3) दलिया गम : दलिया गमआ गोबां मुलाम्फा गोनां। जायखौ जायोब्ला देहायाव थोजासे फाइबार आरो के लसियामखौ मोनो। गथ 'फोरनि खर ' मेलेमखौ जौगाखानो आरो हाराफोरखौ गोख्रोंसिन खालामनो थाखाय

दलिया गमखौ जाहोना हागोन। बेखौ जायोब्ला देहायाव एनाजि मोनो।

(4) दावदै : दावदैया देहानि थाखाय मुलाम्फा गोनां। बेयो बयनिखइ मोजांसिन गुन। दावदैखौ देहानि मोदोम बेदरफोरखौ गोख्रों खालामनो थाखायबो मोजां मानिनाय जायो। दावदैआव केलसियाम प्रटिन आरो भितामिन बुंफबनाय जायो। जायखौ सानफ्रोमबो जायोब्ला हाराया गोख्रों जायो आरो देहायाव थैनि बाडाइ जानाया जोबलाडो। बेनि खायनो गथ 'फोरनो गावदैखौ रुनानै जाहोना हायो।

(ब े ख ौ) बाहायनायनि सिगां डाक्टरनियाव सुरुनु ला)।

बलिउडनि बिब '-बिनानावफोरा आखाइयाव राखी खानानै गावजों गावनि जिउआव फंबायनि लांदां जानायखौ आबुं खालामदों

रक्षा बंधननि ओंथिया जादों 'रैखाथिनि बान्दो' बोसोरफ्रोमबो बिब '-बिनानावफोरा खुसिजों गावनि फंबायनि आखान्थियाव राखी खायो, आरो फंबाया बिथानो अन्थोब होनायजों लोगोसे बिखौ रैखा खालामनो समायखिरा लायो। बे फोरबोआ खालि बिदा-फंबाय आरो बिब '-बिनानावफोर नि थाखायल ' नड, नाथाय मोनफ्रोमबो सोमोन्देनि थाखायबो जुनिया जाय जेबो बाश्चा बुडलासे नोंथानि उन्थिं खुन्थिया बायदि गसंना दं। बियो बिदा-फंबाय एबा सानै बिब '-बिनानाव। बलिउडआव बेबादि गोबां बिब '-बिनानावफोर दं जायहा जोनोमारि फंबाय गैया। बिसोरो माब्लाबाबो सासे फंबायखौ खोमानाड मानोना बे सानै बिब '-बिनानावफोरा खालि जयै गोख्रों गसंनायनि अनगायैबो रक्षा बंधननि जर 'खा फालिथायाव गावजों गावनि आखाइयाव राखी खायो। गिबि मुंफोरा करिश्मा कापुर आरो करीना कापुर। लल'आ बैसो जानाय आरो बेब'आ उन्दैसिन। करीना कापुरआ गोबां खेब बुंदोंमोनदि करिश्माया बिथानि



जिउनि बयनिखुइबो गोख्रोंसिन खुन्थिया। बे सानै बिब '-बिनानावफोराबो गावजों गाव राखी खायो। कृति सेनन आरो नुपुर सेननआबो सासे गोख्रों बिनानाव जर। सानैबो बलिउडआव सांग्रां। जेराव कृतिआ सिगांनिफ्रायनो गावखौ गोजोंसिन फावखुंग्रिफोरनि

गेजेराव गायसनखाबाय, नुपुरआ दासो सावथुन मुलुगाव गावनि सिनायथि होनो जुरिगासिनो। कृति आरो नुपुरआबो बोसोरफ्रोमबो जयै जोबोद थुलुंगानायजों रक्षा बंधनखौ फालियो। भुमि पेडनेकरआ सासे बलिउड फावखुंग्रि, जेराव बिथानि

बिनानाव समिक्षाया सासे उकिल आरो जिउ राहाजों सासे फालांगियायि आइजो। सानैखौबो गावजों गाव ओरैबादि रोखोमसे नुयोदि अनसायगिरिफोरा बिसोरखौ नायनानैल 'गोनो गोथो जायो। भुमिआ गावनि मावख'आरि इन्स्टाग्रामआव मोनसे परस्ट

सासे न' गैजायै दिथागिरिया मोनसे समाव अमिताभ बच्चननि केरियारखौ रैखा खालामदोंमोन

हिन्दी सावथुननि सलआ मुंदांखा फावखुंगुरफोर, मुंदांखा मेथाइफोर आरो माखासे गोसोखांथाव सावरायनायफोरजों बुंफबनाय। बे ग्लेमार्स स्किननि आन्दोआव, माखासे मुंफोर दं जायनि बिहोमाफोरा गोबां समावनो नोजोराव गोग्लैया। बेबादिनो मोनसे मुख गपालदास परमानन्द सिम्पी, जायखौ जिपि सिम्पी मुडै मिथिनाय जायो। जिपी सिम्पीआ 'शले' सावथुनखौ दिहुनदोंमोन, जाय सावथुन बानायनायखौ गोदानै ओंथि बेखेवदोंमोन आरो अमिताभ बच्चननि लोरबां जिउ राहाखौ गोदान जिउ होदोंमोन। सासे ब्लकबास्टर दिहुनगिरिनि अनगायैबो, सिम्पीनि दावबायनाथा लोरबांथि, गोदान दिहुनथाय आरो सावथुनारि रेंग'थिनि सल'खिन्थायो, जाय रामगढ मुनि मोनसे हाद्रिगोनां गामिनि सल'खौ सोरांआव लाबोयो। सिम्पीनि जोनोमा बोखावनायनि सिगां कराचीआव मोनसे धोनि फालांगियायि



नख'राव जादोंमोन। बिथाड गावनि सिगांनि जिउखौ लाकजारियाव बारहोदोंमोन। बिथानि नख'रा गावसोरनि फालांगिनि थाखाय गंसे खरसा बांग्ला आरो गोबां सम्फथिफोर दंमोन। नाथाय ई 1947 माइथायनि बोखावनाया बेफोर गासैखौबो हरसेनि गेजेरावनो बोखारना लादोंमोन। गासैखौबो गारना थानो गोनां जानानै सिम्पीआ मुम्बाइ खारलांदोंमोन। मुम्बाइ सौफैनायनि उनाव,

बिथाड सासे धोनि सुबुं महरै थायालाबानो सासे रिफुजि महरै थादोंमोन मानोना बिथाड गासैखौबो खोमाना लादोंमोन। थाना थानाया मोनसेल' थांखि जादोंमोन, बेनिखायनो सिम्पीआ गुबुन गुबुन फालांगियाव आखाय होनो नाजादोंमोन। रिपर्टनि बायदिब्ला, बिथाड कार्पेट फानदोंमोन आरो मुम्बाइआव मोनसे फिसा रेस्टुरेन्टबो खुलिदोंमोन। कुलाबायाव

सेयार खालामदोंमोन, जेराव समिक्षाया बिथान्खौ राखी खादों। बलिउडनि खाथि बिब '-बिनानावफोर नि फारिलाइआव सासे मुंआ दीपिका पादुकण आरो बिथानि बिनानाव अनिशा पादुकण। जेराव दीपिकाया बलिउडआव सांग्रां बिथानि बिनानावआ गेलेमु मुलुगाव गावनि मुं लाबोगासिनो दं। बिसोरहा रावबो जोनोमारि बिदा-फंबाय गैया, बेनिखायनो बिथाड गावनि बिनानावजों रक्षा बंधनखौ फालियो। शिल्पा शेटी आरो शमिता शेटीनि मुंफोराबो बलिउडनि सुपारस्टर बिब '-बिनानावफोरनि फारिलाइआव दं। आलिया भट्ट आरो शाहीन भट्टआबो बलिउडनि गोदै बिब '-बिनानावफोर नि फारिलाइनि बाहागो जादों।

प्रियंका चप्राआ समाजयारि बिजोंआव फिसाजोनि माखासे सावगारि आरो भिडिअ शेयार खालामदों



ग्लबेल सेन्सेसन जानाय प्रियंका चप्राआ आथिखालाव गावनि नख'रजों लोगोसे बन्द' फालिगासिनो दं। फावखुंग्रिया हलिउडआव गावनि पावारपेक पारफर्मेन्सजों लोगोसेनो गावनि मादार्हुड एबा बिमा जानायखौबो गोजोनाय लागासिनो दं। बिथानि फिसाजोनि मुड मालती मेरि

चप्रा। 'पिसि' आ समायारि बिजोंआव बिथानि माखासे नुथाइखौ शेयार खालामदों। बेवहाय मालती आरो निक जनासखौबो नुनो मोन्दों। गिबि सावगारियाव मालतीआ गावनि सिटआव जिरायनानै दं आरो लोगोसे प्रियंका चप्राआ गावनि टेबलेटखौ लानानै जिरायना दं, जायनि सायाव 'ममा' लिरनाय

दं। बेनि उनाव मोनसे भिडिअ दं, जेराव बिथानि अनसुलि फिसाजोंनि गोजोन्नाय लानायखौ नुनो मोन्दों। गुबुन मोनसे सावगायिराव मालती आरो बिन लोगोखौ गंसे केन्डि शपनिफ्राय गावसिनि थाखाय केन्डि ज दिखोनाया नुनो मोन्दों। बेजों लोगोसेनो मोनसे सावगारियाव मालतीआ गालनि

बिफा निकजों लोगोसे गावनि फैगौ पारफर्मेन्सनि थाखाय थियारि खालामनाय नुनो मोन्दों। प्रियंकाया मोनसेबाव सावगारि शेयार खालामदों जेयव मालतीआ पेन्टि खालामनानै गावनि सिंनि आर्टिस्टखौ सोरांआव लाबोनाय नुनो मोन्दों। बेवहाय मोनसे भिडिअबो दं, जेराव प्रियंका चप्रा आरो मालतीआ मोनसे सोमखोर गारडेनआव खारदिनाय नुनो मोन्दों। बे परस्टनि जोबनायाव निक आरो मालतीनि मोनसे समायना सावगारि दं।

सुनिता आहुजानि बिमाया गावनि मोखांखौ गुदुं तावाजों सावदोंमोन

फावखुंगुर गभिन्दाआ दान्थे-बिदान्थेनिफ्राय गोजानाव थायो नाथाय बिथानि बिसि सुनिता आहुजाया गोबां समावनो गावनि बिबु'थिनि थाखाय

ससियेल मेडियायाव सोराडव फैयो। माखासे दान सिगाडव खौरां फैदोंमोनदि गभिन्दा आरो सुनिताआ गभिन्दानि मेरिटेल् एफेयारनि थाखाय फाथैलाइ



बिसिदोंमोन। बिथान्मोननि उकिल ला बेखौबो रोखा खालामदोंमोनदि बिसोरो मोनसे आर'जलाइ दाखिल खालामदोंमोन, नाथाय उनाव जरनि गेजेराव गासैबो मोजाडव फैबाय। बावैसो फावखुंग्रिया आरोबाव मोनसे बिबु'थि होदोंमोन, जाय बिथान्खौ हेडलाइन्सआव लाबोदों। बे खेबाव सुनितानि बिबु'थिया गभिन्दानि बिमाजों सोमोन्दो

गोनांमोन। गलट्टा इंडियाजों मोनसे जर'खा सावरायनायाव, सुनिता आहुजाआ फोरमायदोंमोनदि बिथानि बिमा-बिफाआ माब्लाबाबो बिथानि मोजां मोनलायनाय जिउखौ हेफाजाब होआखैमोन। बिथान्जोआ फरायसालियाव फरायनाय समनिफ्रायनो गभिन्दाजों डेट खालामगासिनो दंमोन। आं दाइन्थि थाखोआव दंमोन, आं थाखोआव फेल

जादोंमोन। आं आनि बिमानो बेनि सोमोन्दै खोन्थायाखैमोन, आरो बै समाव, आं गभिन्दाजों डेट खालामगासिनो दंमोन। आं बिमाखौ थगायदोंमोनदि आं पास जाबाय। सुनिताआ आरोबाव बुंबावोदि, जेब्ला आनि बिमाया आनि थगायनायखौ हमदोंमोन, अब्ला बियो मोनसे तावाखौ गरम खालामदोंमोन आरो आनि हारा खाथियाव सावदोंमोन आरो आंखौ सोंनो हमदोंमोन। बियो जेब्लाबो आंखौ फरायनो नारसिनदोंमोन, नाथाय आं फरायनो मोजां मोनाखैमोन। जेब्लानो आं बिजाब खेवोमोन, आं उन्दुयोमोन। सुनिता आहुजाया बे उन्दै समनि जाथायखौ बेखेवनानै बुंदोंमोन, सानसेखालि आनि बिनानावआ आंखौ फोरोंनो नाजादोंमोन, आरो आं रागा जोंदोंमोन मख'नो गोनांदि, गभिन्दा आरो सुनिता आहुजाया ई 1987 माइथायाव जुलि जादोंमोन। बिथान्मोनहा सानै गथ 'फोर दं, टीना आहुजा आरो यशवर्धन आहुजा।

सुभाष घाईआ प्रियंका चप्राखौ 'यादै' सावथुननि गाहाइ फावखुंग्रि जाहोनो नाजादोंमोन

90 आरो 2000 जिथाइनि समाव, गोबां सावथुनफोर ओंखारदोंमोन जाय बै समाव मोजाडै जाफुंसाराखैमोन जानो हागौ, नाथाय आथिखालाव बिसोरो गोबां अनसाइनाय मोनो। शाहरुख खाननि 'डुप्लिकेट' निफ्राय लानानै मुझसे दोस्ती करोगे, लक्ष्य आरो रुद्राक्ष बायदि गोबां सावथुनफोर दं जाय बै समाव सिनेमाहलफोराव फलप जादोंमोन। बे फारिलाइनि गेजेराव हिन्दी सावथुननि मुंदांखा दिथागिरि सुभाष घाईनि मोनसे सावथुन दं, जाय एक्शननिफ्राय लानानै दंखोआरि सिम गोबां सावथुनफोर बानायदोंमोन।



सुभाष घाईनि बेबादि मोनसे सावथुनखौ 2001 मायथाइयाव फोसावनाय जादोंमोन, जाय बै बोसोरनि बयनिखुइ देरसिन फलप जादोंमोन। गिदिर

फावखुंग्रिफोरनि केरियार बानायनायनि थाखाय मिथिजानाय, सुभाष घाईआ बे सावथुननि थाखायबो आबुडे गोदान मोखां लुबैदोंमोन।

बिथाड प्रियंका चपडाखौ कास्ट खालामनो लुबैदोंमोन, जाय 2000 मायथाइयाव मिस वर्ल्ड जादोंमोन, बे सावथुनाव ऋतिक रोशनजों लोगोसे

